

## **Aningaasaqarnikkut ingerlatsineq pillugu nalunaarut 2010**

### **Saqqummiussissut**

(Aningaasaqarnermut Naalakkersuisoq)

#### **1. Siullermeerineq**

Aningaasaqarnikkut ingerlatsinermi unikaallattoqarnera 2009-p ingerlanerani aqqusaarsimavarput. Aalisarnermiit aatsitassarsiornermiillu tunisassianik Kalaallit avammut niuerutiginninnerat 2 procent missaannik appariarsimavoq. Taamatut ingerlaneq 2010-mi ingerlaqqissasoq naatsorsuutigineqarpoq.

Aningaasaqarnikkut toqqammavigisassat unamminartuupput. Taamaattumik ukioq mannamut aningaasanut inatsisikkut Naalakkersuisut siunniussaasa suli malittarinissaat pisariaqarpoq. Kalaallit Nunaata aningaasaqarnikkut ineriarngererata oqimaaqtigiinnissaa qulakkeertariaqarparput isertitatsinniit amerlanerusunik atuinata.

Aningaasaqarnikkut toqqammavigisassat taakku iluini Kalaallit Nunaanni inuiaqatigiit imminnut napatittut ineriarortinnissaat Naalakkersuisut suli sulissutigissavaat. Tamatuma Naalakkersuisut isumaat malillugu nassataraa suliniuteqarfilt ataani taaneqartut sisamat suliniutigineqarnissaat:

1. Meeqyanut inuuusuttunullu tunngasuni iliuusissaq
2. Ineqarnermut tunngasuni iliuusissaq,
3. Inuussutissarsiornermut iliuusissaq aamma
4. Ilinniartitaanermut iliuusissaq.

Pileraarusiornermi qanoq iliornissat taakku ukiumut ataasiinnarmut suliniutaanatik ukiunut arlalinnut suliniutaapput. Allatut oqaatigalugu suliniutissat taakku qinigaaffiup uuma piffissaa sinnerlugu suliassaapput. Taamaattumik 2011-mut aningaasanut inatsisissamut siunnersuut saqqummiuneqareerpat partiit Naalakkersuisunit aggersarniarneqarput pileraarusiugassat taakku Inatsisartuni amerlasuunit isumaqatigiissutigineqarnissaat siunertaralugu.

Aammali Naalakkersuisunit pingaartinneqarpoq sulinermi kommunit, soqutigisaqaqtigiit kattuffiisa inuussutissarsiornermillu ingerlataqartut peqataatinneqarnissaat. Pileraarusiugassani taakkunani taakku tamarmiullutik pingaaruteqarlutik inissismapput.

#### **Meeqyanut Inuuusuttunullu iliuusissaq**

Meeqyanut inuuusuttunullu tunngasut Naalakkersuisut sammisaanni pingaaruteqarluinnarput. Meeqqat inuuusuttullu alliarngerannit atukkat pitsasumillu inuunissaannut periarfissat nukitorsarniarneqartuasapput. Tamanna isumaginninnermut, peqqinnissaqarnermut ilinniartitaanermullu sammisaqarfinnun atuutsinnejassaaq.

Meeqyanut inuuusuttunullu tunngasuni suliniut iliuusissami, suliniuteqarfiusunut marlunnut sammisuni tunngaveqartinneqassaaq. Illuatigut pitsaaliuinermik suliniut, siunissami ungasinnerusumi inooqataanermi ajornartorsiutit annertussusaannik annikillisaqaqataassasoq. Aappaatigullu katsorsaalluni suliniut, katsorsarneqartariaqarnerpaanut massakkullu pisariaqartitsisunut aaqqiissuteqarniarluni.

Suliniuteqarfissat taakku marluk aningaasanik amerlanernik ilinniarsimasunillu sulisoqarnissamik pisariaqartitsiviupput. Aningaasat nassaarinissaannut Naalakkersuisuni piumassuseqarpugut pingaarnersiunissat pisariaqartut isumaginerisigut. Ajoraluartumilli paasisariaqarparput suliassamik taassuminnga pisariaqartinneqartutut naammassinninnissamut pisariaqartinneqartunik sulisussanik ilinniagaqarsimasunik malunnarluartumik amigaateqaratta. Taamaattumik meeqqanut inuussuttunullu tunngasuni sullissinermik pitsaanerulersitsinissaq pillugu sulisussanik piginnaasaqarluartunik ilinniartitsinissaq, allamik ilinniartitsinissaq ilinniartitseqqinnissarlu immikkut sammisariaqarpagut.

### **Ineqarnermut tunngasuni iliuusissaq**

Pitsaasunik ineqarnissaq atugarissaarnermi pingaaruteqarluinnartunut ilaavoq, ilaqtariillu eqqissimanartumik meeqqanik perorsaanissaannut periarfisanut tunngavissaalluinarnluni. Taamaattumik illoqarfinni utaqqisunut allattortissimasoqarfiusuni inissiat tamanut iluaqutaasussat amerlisarniarpagut. Peqatigitillugu utaqqisut allattorsimaffi piviusut nalilersuvigissavagut, taamaalilluni piviusut tunngavigalugit inissiat annertusarneqarsinnaallutik. Ineqarnermut tunngasuni tulleriaarinikkut (pingaarnersiunikkut) qulakkeerneqassaaq illoqarfinni pisariaqartitsinerpaaffiusuni sanaartortoqarnissaa.

### **Inuussutissarsiornermut iliuusissaq**

Meeqqanut inuussuttunullu tunngasuni suliniutissanut kiisalu inissianik tamanut iluaqutaasussanik annertusaanissatsinnut marluk tunngavissaapput.

Siullermik suliniutissat pisariaqartut aningaasalorsorsinnaajumallugit aningaasaqarnikkut periarfissagut annertusassavagut. Aappaatut pingaartumik meeqqanut inuussuttunullu suliassaqarfimmi sulisussat piginnaasallit pisariaqartinneqartut pissarsiassavagut.

Unammilligassat taakku ikorsiivigmallugit inuussutissarsiornerup iluani, aamma aalisarnerup iluani aaqqissuussaanikkut naleqqussaanerit pisariaqartut ingerlanneqartariaqarput. Taamaaliornikkut anguniagassat marluk angusinnaavagut. Siullertut inuussutissarsiornermk ingerlataqartut aalisartullu aningaasarsiornerat annertunerulersissinnaavarput taamalu tapiissuteqarnissamik pisariaqartitsineq minnerulersillugu. Aappaattut inuiaqatigiinni suliassaqarfinni allani sulisussat pisariaqartinneqartut atorsinnaalissavagut allamillu ilinniartitsisisinnaalluta.

Taamaattumik nunap immikkoortuinut pilersaarusiorneq Naalakkersuisut aallartissimavaat pissusiviusut tunngavigalugit inuussutissarsiornerup iluani, aamma aalisarnerup iluani aaqqissuussaanikkut naleqqussaasinnaaniassagatta. Ilaatigut inuussutissarsiornermut qangali tapersiissuteqartarnermk aaqqissuussinerit assigiinngitsut nalilersuiffigineqassapput. Nunap immikkoortuisa assigiinngitsut nakooqutaat periarfissaallu aaqqissuussaanikkut naleqqussaanermi mianerineqassapput, aammalu nunap immikkoortuinut pilersaarusiami inerniliinerit kaammattuutilu aaqqissuussaanikkut naleqqussaanissamut Naalakkersuisut tunngavissiaanni ilaatinneqarumaarlutik.

### **Naggasiut**

Naggasiutut oqaatigissavara aammaarlunga ersarissassagakku aningaasaqarnitta oqimaaqatigiisaarnissaani imaannaanngitsunik unammilligassaqaratta. Peqatigisaanik meeqqanut inuussuttunullu tunngasuni, ineqarnermut tunngasuni aamma inuussutissarsiornermut tunngasuni imaannaanngitsunik unammilligassaqarpugut. Unammilligassat taakku Naalakkersuisut aaqqiissuteqarfigerusuppaat. Tamannali Inatsisartuni partiit akornanni, kisianni aamma Namminersorlutik Oqartussat inuiaqatigiillu akornanni, suleqatigiinnissamik annertuumik pisariaqartitsivoq.

Taamatut oqaaseqarlunga nalunaarut akuersortumik Inatsisartunit oqaluuserisassanngortippa.